

翁心存奏摺

道光五十八年^{九年}、
五十六年、廿九、三十年、
咸豐一一九年、
共七十九道、

79 冊

道光五年九月初八日

奏



奏為恭謝

天恩仰祈

聖鑒事竊臣欽奉

恩命典試福建當即星馳到閩齊被入闈矢公校閱

茲於八月二十二日准兵部火牌遞到禮部劄

開道光五年八月初三日內閣奉

上諭廣東學政著翁心存去著赴新任不必來京請

訓欽此竊臣賦材愚昧殖學蕪疎幸叨

雨露之深恩濫玷蓬瀛之清選溯摘華於鳳沼月琯

初周洎奏賦於

螭坳

天波逾渥詹僚晉秩真夢想所難期

祕閣紬書愧涓埃之未報迺校藝甫榮於銜

命而持衡重荷夫

宣綸

寵錫自

天悚惶無地惟粵東係人文淵藪而學政為士子楷

模崇實黜華本末貴賅夫體用宣風調俗薰陶

尤藉夫膠庠以臣庸材深懼弗克勝任臣惟有

益端身範廣厲學官俾明理義之同心奉

聖謨為彝訓共勉知行之合轍勗多士以遵循庶以

仰酬

高厚鴻慈於萬一臣業於九月初七日揭曉出闈當

欽遵

諭旨即日束裝馳赴廣東新任所有微臣感激下忱

理合敬謹繕摺叩謝

天恩伏乞

皇上聖鑒謹

奏

知道了

道光五年九月

初八

日

